

重修太平府志序

志猶之史也蓋史者天地
之淵府運數之勾股德才
之藪澤否泰之著龜古今
之所重取法者也而志者
疆域人民兵農禮樂纖悉
備具論而列之所以興釐

所以調劑前人所以作述
後人所以憲章莫不繫屬
是又一方之典則也况乎
郡志云者上承省志之藩
維下括縣志之樞軸分者
合焉煩者簡焉大書特書
且不一書俾蒞茲土者竟

古準今有所矜式斯亦其
為政之大端也歟願太平
一志自修輯後厯今雖舊
版尚存而字跡模糊動多
殘缺中間歲月回陳物墊
之殷庶更置之多端我
朝紀綱之修明大法宏規章

章世宇若不為之徵紀而
纂述則往者何聞來者何
藉余還念蒞任以來朝夜
勤懇冀以新之有年而竊
有俟也迨蕪湖志之續修
屬余友漁鄉陸君為之考
定會將踵事郡志而歲甲

成以奉

詔入都門遂不果及歸任未幾
復檄赴江寧莅蒞公務者
二年丙子初夏間漁鄉重
詣蕪江乃先走尺一相訂
於閏九之杪迺至姑孰擇
日開局簡集首事創立條

規次第略舉然余仍往來
工所不及留心綜核泊丁
丑清和始獲與漁鄉暇則
商確編纂間事其首之以
地里誌始也誌本也次之
以建置立經緯而權體制
也祀典則曰乎建置者也

田賦物產古蹟則緣乎地
里者也職官選舉名宦人
物則本乎地而各有章者
也儼事藝文則比乎類而
各有屬者也為書凡四十
四卷考同訂異綱舉目張
志也即史也夫余非徒以

文飾吏治為也核名實者
在乎志而公議昭焉考故
事者存乎志而損益麗焉
由是覽山川城郭之險隘
則樂土可安矣定賦稅均
輸之規則維正可永矣
凜災祥旱潦之迭更則天

時可鑒矣甄農桑耕鑿之
勤惰則地利可長矣謹庠
序詩書之所以教則文風
倫叙可振而飭營壘戎器
之所以制則武備軍容又
可彰矣詳秩官制科之所
以經則服采書升可勸而

辨土貨殖產之所以出則
樽節愛養又可準矣經其
俗制其流敷其民順其政
良有司之風徽畢萃于此
矣此以克輔

聖天子大一統之模綏猷錫福
之盛亦奚僅哉、者揆培

塿之細小以仰測泰岱之
峻極乎哉爰書數言而弁
其首

乾隆二十三年歲在戊寅

夏五月

內廷纂修中憲大夫知太平府
事加五級紀錄十三次記

太平府志

朱序

六

功一次東吳朱肇基撰



重修太平府志序

昔周職方之記太史氏之陳聚
天下之井邑田廬山川林藪土
俗人情風謠物異殞悉類次登
之王朝別其政事之能否以揆
於風教之大同而列國亦具有
官以脩其職若南史董狐倚相

太平府志

王序

之屬莫不抽識繹聞各垂其記
載之所及為掌故藏即世遠事
邇其皆可得而傳者志備焉而
已矣志信焉而已矣我
國家重熙累洽八表同風車書之
跡暨於無遐大一統之成書比
於職方之所記而加詳各省郡

邑之相承則又較諸列國之文
體異而厥旨實同故凡善志者
述而不作善叙說者實而不華
所予無溢辭臨文有據依而考
事無佚失也太平之在江左自
漢為丹陽於晉為姑孰稱名最
古顧其屏金陵而翼廬皖江山

之瀕陰郡縣之偏置兵戎之移
徙事蹟嘗為紛雜獨士林之流
播則未有如陳留會稽先賢著
舊之撰述為志乘之先聲至宋
南渡時轉運副使劉子澄始為
圖經郡之名勝以彰厥後人文
聿起多材之產實不減南金竹

箭盛於東南都會者往後知善
英疊出之機造物雖不終新而
秀靈鍾厚之積氣候必有所自
開端之見者著乎迄後之存者
系乎文將訂待於善志善叙說
之為後甚重矣郡志自康熙癸
丑後歷八十餘載太守朱君蓉

豁肇基懼有闕遺謂不可當無
任而再出廼以續脩之來詠爰
假粵西舊游當湖漢鄉陸君綸
為之參訂開局謀始自丙子閏
九月下瀚迄丁丑七月斷手藁
具而以潤序於余之閱其凡例
一歸雅正綱舉目隨本末燦然

殆舉昔人所為太繁太簡此固
已斟酌裁審一本乎見之聞之
之實褒美獎善用扶乎人心興
好之公激者之有以顯也幽者
之有以闡也且導揚乎令甲之
垂風教之樹輶軒盛治之隆居
於外史氏之遺志脩志信之兼

有其長文獻為列郡最彰抑推
良吏之素心并將藉手為後之
之有師美蹟之弗忘而有遵塗
之合轍更新之必力而有改位
之善調相成之莫逆而有簞澤
之友資頌之久而會以逢太守
之於是志更有一舉而數物脩

焉者矣余故樂為之序悉數其
源委以復於太守俾刊諸策為
茲邦之人士諗後之興起庶其
無新於此意也夫

乾隆丁丑桂月安徽觀察使者

關中王力

太平府志原序

今天下車書大一統矣侯甸要荒隸版圖贊玉帛者萬國
烏可以無誌而誌未易備也誌外史也周禮外史掌四
方之志其義何居蓋謂郡邑者京師之藩籬也星羅繡
錯綿亘無窮而皆於畿甸有相維之義則志四方所以
翼天室也自古江左形勝甲宇內丹陽郡其上游也南
控楚疆北絡吳會山廻水抱厥土清剛故傑流蔚彥菁
華互鍾夙稱文物與區往予從銀臺出叅黔藩順道揚
舲攬牛渚蠟磯天門荻浦之概停橈者久之輒慕青蓮
學士及靈澤夫人遺踪歎勝跡之疊出於東吳者趾相
接也恨不獲親駐其地而蒐訂焉及辛亥冬予以候補

太平府志

黃序

一

少叅改領姑孰案牘餘閒曾督邦人士索閱郡乘諸子
愕然曰郡志久湮一修於弘治丁巳憲副鍾瑛爲之再
修於正德丙子秩宗祝鑾爲之茲未經纂訂者百餘年
文獻無徵里人之咎也予應之曰風之邈人玩之運會
爲之化之盛人作之志氣爲之太郡領縣三自宋迄今
首當塗而蕪湖而繁昌次之數百年涵育休養於
今爲盛若網羅放失俾予得藉手而

廷獻焉詎不美哉方聚族而謀虞譏策舍忽奉

今上皇帝俞輔臣一統全誌之請憲檄疊至竊幸繼茲而
往集思廣益借是可以覘士習驗國風矣獨念事以
更人因俗易舊籍榛蕪已久而欲取百餘年

增華補漏不其難乎爰分訂僚屬及紳裾諸子夙夜祗圖遐搜近取不敢因陋就簡以逸所傳也故綜其大略環郡之名山巨澤關梁爲一書堂廡祠廟爲一書鄉遂邱甲爲一書辟召薦舉諸科爲一書災異彗弗崩隨之屬爲一書忠孝節義以及詩歌詞賦記序之類爲一書其事詳而核其旨微而彰環郡之掌故瞭若指掌矣其於古昔外史之職或有當乎外史成而彙之請裁於金馬石渠之彥收而藏之以達於

天府此古秘書省掌典籍圖書之制也帙將登矣予益兢兢加愆焉復與僚屬紳士約曰郡志者傳書也信史也析疑請益必將曰爲可傳也爲可信也毋索隱而逞僻

太平府志

黃序

二

毋厭庸而嗜新毋飾美而濫譽毋嫉善而苛繩予與諸子矢心質之以期仰副

聖天子博緝嚴收之至意庶幾可告無罪耳方今世祖章皇帝實錄告成已與弘璧天球並陳世寶茲復取邦志而彙集之乙夜之餘用塵

睿覽毋俟省方清問如登萬民而親之衽席焉豈非典郡者述職之成書哉光昭圖史億萬斯年安得不拜手颺言而樂爲之序 昔

皇清康熙歲次癸丑菊月之吉

叅議改補江南太平府知府加一級前通政司叅議小轉貴州分守思仁道市政司叅議三韓黃桂

太平府志原序

郡有志制也志太平者舊矣莫得而究其始也弘治丁巳一修於憲副鍾君城衍爲二十卷正德丙子再修于膳部鳴和祝君鑒約爲十卷歷十有三年爲嘉靖戊子西泉林侯鉞來守茲郡明年鳴和致大叅政以歸二公有同年之雅議續前志然未果也越五年予訪鳴和于太平鳴和曰子知志所以修乎予應之曰夫郡古國也志古史也紀往微來有監之道焉監善而知勸監惡而知懲有訓之道焉仲尼歎杞宋之無徵而悉意於春秋良有以也是故志輿地以昭封志宮室以昭居志職官以昭治志學校以昭教志武備以昭威志祠祀以昭報

太平府志

鄉序

一

六事備而生物遂焉于是乎志食貨矣養旣足而民日庶焉于是乎志人物矣性近習遠而德藝有等倫才同時異而選舉有高下此紀載者所當備也若夫因封以思守因居以思奠因治以思隆因教以思成威思振祭思誠養思充賦思均習思變選思公此有司者所當盡也是故志貴詳詳而不節其失也浮事貴覈覈而不精其失也誕胡然而監胡然而訓耶此有司與紀載者均之有責焉耳矣誌可忽乎鳴和聞而喜曰善哉言也可以續吾志矣吾子其圖之乃言於林侯林侯復以爲善交贊力委義不容辭而勉從事是舉也主之者林侯輔之者二守向公正三守李公從龍推府黃公仕隆而張

君一厚招君宗廣曹君贊乃令邑而共命者也詠隱蹟
于耆黎究遺事於積牘察公是於閭閻而定論於鄉之
大夫士悉取裁於鳴和衆善之集可謂詳而節覈而精
矣雖然惕乾夙夜比類屬詞求無媿于大邦不得罪于
良史璧也則又曷敢不殫厥心哉

嘉靖十年七月之吉九峰山人鄒璧書

太平府志原序

正德丙子歲前守周侯伯承重修郡志鑾僭執筆焉迄
今十有五年矣缺者當增後者當續訛者當正略者當
詳冗者當剔不無有俟於後之君子也乃今侯西泉林
公與鑾有同年之雅問嘗語及志事欲修而未果居無
何九峰山人鄒子至遂設館於萬壽寺之東明軒敦禮
授簡於九峰焉九峰不得辭廼殫心力窮晝夜稽載籍
咨耆舊詢草野既罔不周矣乃酌古定例提綱彙目具
草以質於西泉公公曰善請終圖之越三月而書成鑾
閱之再則缺者增矣後者續矣訛者正矣略者詳矣冗
者剔矣美而不溢華而不浮質而不俚有古良史之風

太平府志

祝序

焉粵惟往年鑾修志時值王程方亟草率就編或矯前
之非而太過或執已之見而未審至今思之不覺顏汗
幸賴西泉公之功及九峰子之力獲成新志用雪舊愆
幸莫大矣或曰是編也視舊體裁去取若相牴牾子之
心無乃未安乎鑾喟然歎曰天下之事所以不克同心
協一俾底於有成者各用其私焉耳矧夫志史也史公
天下之書也天下以爲是吾從而是之天下以爲非吾
從而非之吾惟求其當而已烏知夫出於已出於人也
推是心也可以理天下事矣奚啻志哉或者無以應而
退遂漫書以爲新志序

嘉靖十九年九月初進士廣西布政司叅政郡人祝

太平府志

纂脩姓氏

總裁

太平府知府加五級

古吳朱肇基鹿園甫

監脩

江防同知

漢陽邱鑑

督糧通判

晉陵張天澤

督糧通判

吳縣宋有元寄軒甫

提調

當塗縣知縣

北平秦廷堃復山甫

蕪湖縣知縣

北直劉贊

太平府志

姓氏

蕪湖縣知縣

忠州王恒

繁昌縣知縣

麻城彭奕明

繁昌縣知縣

滄州劉石麟

參訂

原任廣西梧州府知府

平湖陸綸漁鄉甫

分纂

太平府儒學教授

鎮洋朱錦如

當塗縣儒學教諭

山陽胡一鴻

蕪湖縣儒學教諭

銅山周毓崙

繁昌縣儒學教諭

徐州李執躬

太平府儒學訓導

常熟蕭漢一